

王

國

典

禮

王國典禮序

客歲奉簡書來按兩河兩  
河上游

王邸星分余檄所司一以往  
例從事其非分請者輒令

檢故實以示用杞其望惟  
是

王國卽有條例諸書而文移  
旁午兼以

累朝之典或初興而繼廢或

減而末豐乍建或止中輟  
或復所司不能舉其大凡  
及抵會城以公事晤伯榮  
宗正伯榮博雅君子也語  
及藩國則成憲往牒靡所

不諳詢之曰美無似往會

謬纂

王國典禮一書未敢示人也  
余借而讀之爲卷凡八爲  
目凡三十冠以

# 明興

諸王擁節旄之重握精銳之  
師鎮撫邦國徼巡邊陲詎  
不甚重然不一再傳而龜  
組雖故虎符已非矣一切

建社賦租之典不能不少  
遜焉此豈展親之舉有減  
于先朝漢帝有云我子豈  
宜與先帝子等蓋不典則  
不物匪禮則匪程而時有

節縮用酌厥中亦惟是訓  
以義方弗卽慆淫已耳故  
是書所載禮有其儀儀有  
其等名位不同禮亦異數  
議經歷朝斷由



列聖一披閱而典則有赫豈惟  
屏翰龜鏡而凡厥有位將  
按故實孰能去之抑不獨  
故實之是稽也而防維與  
存頃余行部遡衛源歷河

陽而駐洛中徘徊瀍澗想  
有周分建之盛焉當武周  
列國八百而始之規畫王  
城也南抗申息北跨邶鄘  
皆同自鄘無譏而大國名

藩其食毛曾不得望天子  
之畿輔先王之遠計固自  
有在也且營丘賜履則聊  
攝以東姑尤以西曲阜卜  
社則典物備策官司彝器

衛之會王東蒐唐之疆以  
戎索然方軌百里未之有  
加何也齊猶曰周之宗盟  
異姓爲後而魯固武之同  
母弟也於武有締造之勛

於成有夾輔之勞卽割海  
內之多腴畀之誰曰不可  
而厯厯若爾典禮故也况  
聲明文物之飾征繕室廬  
之末者哉是以我朝

列聖監古作則或離裏之愛或  
友于之情上有特鍾下有  
他覬不聞越典禮而創制  
焉是非萬世

聖子

神孫所當奉以周旋無敢失隊  
者哉傳曰禮也者其人之  
坊與決坊弛維其何厭之  
與有且余因是而有感焉  
昔子政忠鯁爰在天祿子

建幽憤用求自試豈其以  
天潢之裔而不獲與思皇  
之彥宣力公家爲者况宗  
人換授有條疎宗鄉舉與  
選先今功令備具而振鷺



無聞搏鵬希覲何也余不  
佞且拭目俟之矣

萬曆四十三年歲次乙卯

夏六月吉旦

賜進士出身文林郎巡按河南

監察御史張至發頓首拜書

王國典禮序

高皇帝汎彼腥羶還我冠帶功集  
千古無庸敷賁爲已然豐沛  
之後誰歟布衣崛起者乃睽  
雍垠豈真荒漠以是言得統  
之正必漢與

明而漢猶處輕焉况溺冠據洗  
不事詩書者乎

高皇帝甫定江南即延致四先生  
輦將議禮制度于是乎出故  
干戈一寧典制大備豈若皇  
帝之尊取快綿絕而止惟禮

止綿絕凡煥貽子土經緯關  
如床第娥姁却虛勿及又遑  
掉七國之尾不爲子孫憂若  
明有

成祖則天開之矣血胤相承壹戎  
續緒非復七國之云而以華

除所哆口周官何弗丹獲其  
樸斷也端木氏曰見禮知政  
禮紛政龐統將若何統嗣

神考禮振前王潤色綢繆本支百  
世由此言之漢不第輕故先  
正謂夷狄不和親外戚不與

政論諫不殺言官三美政遠  
軼前代而寔不盡于此其封  
建

諸王也連城跨邑懲漢失策然  
亦無宋齊之制予典籤歿身  
絕蔭懲唐寡恩然更無趙宋

之聚于京邑即五分食一四  
分食一後稍復然豈必瓜分  
之初逆計不億而四民嬉游  
自如六藝登籲在望矣左官  
之律今且通焉抑非

高皇帝指也他如書凶五禮車服



諸儀經緯有條纖悉畢具是  
非不斟酌

累朝而草昧經綸可勝心鉢要  
以毛裏所分精神必到維城  
磐石共迓庥嘉因以焚及皇  
天綿世永膺俾士食舊德農

服先疇商循族世工用高曾  
高皇帝萬年一日之心固非曰漢  
覩秦之失計而廣自爲樹厚  
自爲藩也煌煌明備誰則奸  
之或者曰是儀耳于百年後  
興何居嗟乎此魯兩生所以

迂也夫其蹈以敬者內心不  
可知而節以儀者外心所自  
白故曰禮若亢鋸之柄而勒  
駿防佚錡浸防滌三千其目  
詎慎過而憊昔周六官主法  
儀禮主文表裏用之迄以滋

大季葉已替而伯父伯舅之  
國相與盟會饗獻猶得考制  
衷度以植國紀而禦外侮其  
在今日則一恬而習焉如印  
之與塗而大僭竊小驕慢已  
杜釁而無府辜矣使必百年

後興恐漢不逮文景有先七  
國起者叔孫先一絕不猶脩  
膜之土龍耶而即

高皇帝方冊所布垂

列聖道德所翔洽鑄濠不乃敗類  
亦惟倂焉昭制靡思蠢迪檢

押耳請再以漢事明之博學  
聚書善屬文好賓客喜黃老  
誰如淮南安楚王英而卒踣  
氏殄世何也詩曰不愆不忘  
率由舊章又曰民之質矣日  
用飲食故衣租食稅而外壹

惟奉

高皇帝所議所制淑慎厥躬而帶  
礪自效于太平之日者亦靖  
共矣宗卿伯榮氏爲彙輯而  
類析于篇固通今者考鏡之  
林亦展親者會通之藉然力

勤而思遠矣漢之向歆雖極  
諫外戚而嘗談黃白雖克承  
家學而嘗爲國師何若

西亭先生咀經轍行貽厥伯榮  
伯榮復以秉禮績文再世祭  
酒宗彥四星如綺伯榮父子



遂足當之憶先司空填撫中  
州時每與

西亭先生以文字結契而不佞  
勸謬轄藩垣更敦世好所稱  
言有壇宇行有坊表恐不直  
汴上潢派爲罕其儕此編出

而果有以怵肥腸滿腦之思  
悛鮮衣怒馬之習也封疆之  
吏亦職有利哉敬爲序而傳  
之

萬曆乙卯七月旣望

賜進士出身通奉大夫河南布政

司右布政使前奉

勅提督學校陝西按察司副使禮  
部儀制司郎中琅邪臧爾勸  
撰

王國典禮序

明興

周定王以仁厚開國麟趾振振

而詩禮之派獨盛於

恭靖伯榮宗正恭靖之裔之源

淵流永代吾聞以某大父白  
嶽翁公者與獻吉多舊而令  
君由亭公游於子麟元美之  
間伯榮氏先昭其業聲復藉  
是余嚮往伯榮獲以司理開

封把臂論交踰五季所習其  
心溫而不栗其學博而不核其位  
士嚴而不苛願遠猷未可  
測以涯涂唯見傳經談藝公  
族多所彬彬向化焉季來

周藩頗稱多事委曲密移俾內  
不褻國體外不違諸司旋潰  
旋收伯榮之力責可誣之暇  
則漱百家之芳潤以垂不朽  
其多亡慮數十種王國典禮

其一云我

朝衆建懿親典隆往代

今巨勢桐建子竟雲渥於曩時卒

以竟不勝禮

一必豈有愛美蓋意溢而制以度



數矣禮禮行而徵諸文獻矣  
典不典不禮將焉用之故禮  
者養也君子既得其養又好  
其辨國家有黜之長胥賴之  
矣余嘗私計伯榮其校書似

漢中壘其麗藻如陳思王或  
者謂其抱周召之畧格於今  
不獲展鎔

明廷匡時弼主之思徒托以典禮  
噫是不然夫禮禁未然之前

法施已然之後法之所莫用  
者易見而禮之所莫禁者難  
知藉使漢景時齊宗卿如伯  
榮著典禮以所王國將晁鎔  
不又發大難之端亞夫不又

堅吳楚之壁而七國與長沙  
同漢室以終始可之詩曰懷  
德維寧宗子維城伯榮其各  
令懷德以壯維城厥功亦既  
偉矣豈必歷金門上重堂登

三事九列而後爲伯榮重耶  
憶甲寅之夏直指古淄張公  
入境驄馬與豔陸

王輦並進衛源其時

福藩隨封之徒藉彈壓以不華

亡何中涓必彳事

孝陵直指必疑而問於伯榮伯榮

曰是情浮於分

先定王肖像

二聖於藩耶

夫皇帝昭書以撒之

先王至孝

成祖至仁相愛以禮正其相成以  
孝即於母弟之親猶用是以  
凜凜之其勉條對類是直端

再徵文獻而因以是集示直  
指喜韻諸司曰辨分定志繫  
禮是賴烏可不傳直指公少  
伯榮之心故奚作玄宴而伯  
榮之名聞於天巨舊矣余待



罪大梁煠起殺青之故論著

如此

賜同進士出京兵部職方清吏司

主事通家友弟關中王弘祖

頓首拜撰

王國典禮目錄

卷之一

聖訓

附御製

玉牒

附宗人府職掌

講讀

冠禮

卷之二

婚禮

爵秩

冠服

宮室

卷之三

儀仗

祿米

附養贍

口糧

卷之四

田地

祀禮

社稷

風雲雷雨山川

旗幟

之國

附初朝

日月薄蝕長至

壽誕

常見稱呼禮節

錫命

附迎節迎勅

綴冊印迎曆

鎮諸諭使

迎詔

卷之五

慶祝

附表箋書啟

更定表箋式

進貢

入覲

附宣召

朝儀

接夷

途謁

奏事

附驛傳

賞賞

宴饗

附大樂

樂章

卷之六

喪禮

附諭祭

墳塋

事例

親王封典庶子襲封

郡王封典請封生母

請改封典稽查奏勘

香革冒封  
 限選婚附  
 庶人婚嫁  
 花生傳生  
 報生  
 擅婚  
 名封  
 內助  
 寄養子女  
 奏請期  
 選妾

卷之七

管理  
 附另城

宗學  
 附開科

獎勸  
 附恩賜  
 特典  
 賜書  
 請乞

懲戒  
 附禁典  
 點押  
 罪宗  
 刑律  
 城禁  
 越關

卷之八

秩官  
 附諭輔  
 俸給  
 黜陟  
 內官

儀賓

附王親

兵衛

附民校

民局

米布

倉庾

附義倉

支鹽

附買辦

諱禁

王國典禮目錄終

王國典禮凡例 七則

一

祖訓乃

高皇帝所以垂憲萬世者

累朝熙洽之後較之經綸草昧時勢既異卽不  
必一一舉行而勸諭大指固千古如新也  
敬備書之以揭率由之準

一是編所採曰

祖訓曰實錄曰會典曰集禮而條例諸書則其



緯也非令甲所載不以溷焉

一是書爲款三十總其綱也款中各有細目卽附其後以備類檢

一各款皆錄前書原文不敢增減至變例與新議雖不係正文而可參證本類者則以小字附之後云

一 藩王名不書全字遵時禁也覽者自辨

周王及始祖鎮平王名諱不書以襲周宗  
法當尊所自出

一

皇明典禮定自建文然近多行之則國章也  
故亦採錄

一事例先後予奪不一今各照

列朝次序紀錄庶因革瞭然而遵守者亦不難  
取衷矣

一各款後美不揣溝瞽輒贅數言則臆見

及之耳千慮之一何裨

廟社然于展親之典奉藩之誼小有補苴其宗  
臣之芹曝乎而或別有揚摧且不敢著于  
篇

王國典禮凡例終

王國典禮卷之一

奉

勅督理宗學 周府宗正勤美編集

聖訓

附御製

凡自古親王居國其樂甚於天子何以見之  
冠服宮室車馬儀仗亞於天子而自奉豐  
厚政務亦簡若能謹守藩輔之禮不作非  
爲樂莫大焉至如天子總攬萬幾晚眠早  
起勞心焦思唯憂天下之難治此親王所

以樂於天子也

凡古王侯妄窺大位者無不自取滅亡或連  
及朝廷俱廢蓋王與天子本是至親或因  
自不守分或因姦人異謀自家不和外人  
窺覷英雄乘此得志所以傾朝廷而累已  
身也若朝廷之失固有此禍若王之失亦  
有此禍當各守祖宗成法勿失親親之義

祖訓

太祖遺

諸王往臨濠謁

陵墓因諭之曰世稱商高宗周成王爲賢君者  
汝知之乎高宗舊勞於外知民疾苦成王  
早聞無逸之訓知稼穡之艱難故其在位  
不敢暇逸能修勤儉之政爲商周令主今  
汝諸子生於富貴未涉艱難人情習於宴  
安必生驕惰况汝他日皆有家有國不可  
不戒今使汝等於旁近郡縣遊覽山川經  
歷田野因道途之險易以知鞍馬之勤勞

觀小民之生業以知衣食之艱難察民情  
之好惡以知風俗之美惡卽

祖宗陵墓之所訪求父老問吾起兵渡江時事  
識之於心以知吾創業之不易也於是命  
中書擇官輔導以行

上退朝還宮

諸王侍

上指宮中隙地謂之曰此非不可起亭館臺榭  
爲遊觀之所今但令內使種蔬誠不忍傷

民之財勞民之力耳昔商紂崇飾宮室不恤人民天下怨之身死國亡漢文帝欲作露臺而惜百金之費當時民安國富夫奢儉不同治亂懸判爾等當記吾言常存警戒

上諭省臺臣曰朕諸子日知務學必擇端謹文學之臣兼官僚之職日與之居講說經史蓄養德性博通古今庶可以承藉國家之重但人之相與氣習易移與正人處則日



習於正如行康衢自不爲偏岐所惑若與  
邪人處則日習於邪如由曲徑往而不返  
不覺入荊棘中矣省臣對曰知人最難邪  
正亦未易辨

上曰尊德樂義斯爲正也便佞褻慢斯爲邪也  
故驕奢淫佚鮮不由於褻慢而端莊中正  
必皆本於好德

諸王侍

上顧謂之曰汝等聞修德進賢之道乎對曰每

聞儒臣講說其畧矣未領其要

上曰藻率雜佩爲身之容恭遜溫良爲德之容  
見於外者可以知其內也古之君子趨蹌  
有節升降有數周旋跬步而不違於矩度  
者由其德充於內而著乎外也所以器識  
高明而善道日臻惡行不見而邪僻益遠  
已德旣修而自然足以服人賢者彙進而  
不肖者自去能修德進賢則天下國家未  
有不治不知務此者鮮不取敗夫貨財聲

色爲戕德之斧斤讒佞諂諛乃妬賢之荆棘當拒之如虎狼畏之如蛇虺苟溺於嗜好則必爲其所陷矣汝等其慎之

### 上訓

諸王曰昔有道之君皆身勤政事心存生民所以能保守天下至其子孫廢棄厥德色荒於內禽荒於外政教不修禮樂崩弛則天棄於上民離於下遂失其天下國家爲吾子孫者當取法於古之聖帝哲王兢兢

業業日慎一日鑒彼荒淫勿蹈其轍可以  
長享富貴矣

上諭

諸王曰吾持身謹行汝輩所親見吾平日無  
優伶暫近之狎無酣歌夜飲之娛正官無  
自縱之權妃嬪無寵幸之昵或有浮詞之  
婦察其言非卽加詰責故各自修飭無有  
妬忌至若朝廷政事稽於衆論叅決可否  
惟善是從或燕閒之際一人之言尤必加

審故言無偏聽政無阿私每日旦星存而出  
日入而休慮患防危如履淵永苟非有疾  
不敢怠惰以此自持猶恐不及故與爾等  
言之使知持守之道

命博士孔克仁等授

諸王經

上諭之曰人有精金必求良冶而範之有美玉  
必求良工而琢之至於子弟有美質不求  
明師教之豈愛子弟不如金玉耶蓋師所

以模範學者使之成器因其材力各俾造就  
就朕諸子將有國家之責教之之道當以  
正心爲本心正則萬事皆理矣苟導之不  
以其正爲衆欲所攻其害不可勝言卿等  
宜輔以實學毋徒以文士記誦詞章而已  
上召孔克仁等賜坐因曰昨到鍾山令侍御  
從先往中有一小僮亦前趨記其姓名今  
日召至以示諸子曰此小僮與爾等年相  
若已能奔走服役爾曹不可恃年幼怠惰

王國典禮 卷之二 六  
不學當朝夕勤勵可也朕之意惟恐其居  
富貴耽逸樂耳克仁對曰

陛下此言卽無逸之戒也

吳元年八月丙寅

上祀山川畢出齋次頒胙於群臣將還宮顧謂  
諸子曰人情貴則必驕逸則忘勞聖人所  
以戒盈滿而謹怠荒夫貴而不驕逸而知  
勞智周萬物心體衆情斯爲人上之道故  
天道下濟而歲功成人道克敏而德業著

歷觀古往取法於上而溶化於下者皆由  
於此今國家初定民始息肩汝能知其勞  
乎能諳人情則不至驕惰今甲士中夜而  
起扈從至此皆未食汝可步歸詣勞逸他  
日不至驕惰諸子趨出衛士聞之莫不感  
悅

上賜書

秦王爽曰關內之民自元氏失政以來不勝  
其弊及吾平定天下又有轉輸之勞西至



於涼州北至於寧夏南至於河州民未休息予甚憫焉今爾之國若宮室已完其餘不急之役宜悉緩之勿重勞力

上諭

晉王岡曰太原之民困於元氏弊政久矣又嘗出力餽饟以供我師勤勞憔悴吾未嘗不矜憐之爾岡之國務愛養生息勿復以不急之役擾之其體吾意

興元年冬

上念七子漸長宜習勞令內侍製麻屨行滕凡  
出城稍遠馬行十七步十三

洪武實錄

永樂三年

上賜書

諸王曰履霜堅冰至孔子釋之曰其所由來  
者漸矣由辨之不早辨也故凡事慮於未  
萌則有益諭於已然則無及我

皇考太祖皇帝創業垂統爲子孫帝王萬世之  
計惟欲本支各盡其道朝廷篤於親親藩

國重於守法朝廷之紀綱明正親藩不齟齬於其間藩國之禮節不踰朝廷不苛責於其上恩不至於掩義義不至於傷恩

宗社永有磐石之安親藩同享無疆之福此皇考立法之意亦吾繼述之意而諸弟姪之意亦皆然也吾常思之朝廷不能篤親親之道是不孝於

祖宗不友於兄弟不慈於子姪棄仁背義咎孰大焉昔建文常蹈此失矣吾卽位以來恒

切戒此閒居之際教詔子孫亦惟在重骨  
肉手足之恩不可爲非禮苛責之事言出  
乎口心通乎天地鬼神蓋吾躬嘗奉藩豈  
有不能身體其事哉夫爲藩國者亦當體  
朝廷之心而亮其誠天下之事至繁一人  
之精力有限智識豈能悉周區畫豈能悉  
當若吾一家兄弟子姪骨肉之親於吾所  
行有未至亦宜以情相恕比代寧秦晉永  
興高平平陽諸王不亮吾心稍不順意內

懷怏怏或聽小人教誘爲非甚者形諸怨  
謗魘鎮所爲不智不仁固少年寡學之過  
吾恐傷同氣一皆容忍不問然此特私恩  
耳爲君之道必正公義而後有以服天下  
况法度者

皇考之法度吾嗣位而不能守之又何以服天  
下之心故雖不可虧親親之私恩亦不敢  
廢天下之公義夙夜思之事有兩難欲且  
言其過使之圖改則恐傷恩欲隱忍不言

將來積過愈深理不得容是陷之於罪也  
至此非惟吾心不能自安天下之人亦謂  
吾徒能愛之不能教之養成其過故皆直  
言以戒之矣雖未能必其不逆于心若有  
亮吾之意信而從之他日德成名立享其  
安榮與國家同久豈不兩盡其美哉茲特  
遣書陳布惻欵繼今之後吾惟常念親親  
之恩勿替諸弟姪亦惟常念

皇考之法具在各盡其道共保富貴豈有涯哉

吾之所言天地鬼神鑒臨在上惟宗國諸  
王亮之亮之

永樂實錄

附

御製

太祖勅

晉恭王

世之有血氣者未嘗不以飲食爲命在常  
人則常之在人上者於飲食必重其事而  
精調之庶無患矣然飲食固爲人立命其

飲食非操饅者亦不能成其饅矣若欲美而不傷非精調者不可前者命爾之國聞道中忽責操饅者吾甚驚之且吾氣雄而志壯率群英平禍亂未會姑息凡人有犯輕重必使各得其所以然惟操饅者小過釋之大過詳審而議之若非犯分則又赦之果犯分則罪而棄之弗用若罪而復用之則禍矣蓋爲保命之要也故不輕易爾知吾操饅者否止一徐興祖者操吾饅二



十有三年輕易不辱之吾平昔甚不忍於  
事於操饕切記恐之保命也爾當蹈吾所  
爲勿輕易吉哉

成祖賜

周憲王純孝歌

朕聞至孝足以動天地感鬼神匹夫匹婦  
一念誠切金石可貫豚魚可孚載之方策  
信不誣也矧於死生之際所處尤難古今  
孝子歆代父死者幾何人哉建文用讒者

誣構爾父逮爾父子至京備極羞辱有獄  
不忍父之無辜遂自承伏言父不知狀以  
死自期畧無怖色建文由是寘爾雲南窮  
困萬狀終無悔辭茲非能處死生之際庶  
幾古人之至孝也歟朕遵古道惇明信義  
匹夫匹婦尚褒顯之况爾朕之猶子骨肉  
至親志行純誠造次不易其言顛沛不改  
其義死生存亡不懼其志富貴貧賤無幾  
微動於顏色流離道路羈囚瘴癘克全爾

生至有今日實由爾父慈子孝天地鬼神  
護相之也是用作歌以釋爾心以詔來世  
歌曰維我

皇考建樹宗藩鞏固基圖實衍實安我有令弟  
分封于周帶礪河山永孚于休孝友之道  
稱于考妣人無間言以及兄弟建文嗣位  
信彼憮人讒言勃興構弟于屯父子羈累  
家邦蕩析欲誣以法陷之大逆維爾嫡長  
孔孝且仁篤愛其親弗顧其身陳詞懇訴

爲父釋愆言意亦通孰不爾憐父旣貶斥  
爾益興嗟蠻烟瘴霧各竄天涯有若編氓  
囚辱奴隸見者歔歔聞者出涕衣不掩體  
通食穴墻幽憂連歲艱苦備嘗天運循環  
過眼倏忽善惡之報纖毫不忒我亦遇難  
奉天舉兵拯爾沉淪宗社之靈遣使南來  
歸爾萬里父子相見驚乎悲喜爰倫載叙  
骨肉重歡俯仰天地永矢弗諼天報爾忱  
捷於響影我表爾孝著之歌詠曾參閔損

名教所稱爾則效之聿駿有聲效法古人  
儀範

太祖永奠宗藩光華海宇

成祖賜

魯靖王詩

昔我

皇考定疆理分茅胙土封諸子維持

宗社萬年安世世相承永無已爾父承

命居魯邦兗州之野氣厚龐生爾有德賢且良

雍容文雅恭以莊妙年惟以善爲樂稟性  
溫淳况資學講明理道慎修飭遵倣禮法  
遠佻薄昨者迎我濟水濱周旋進退儀彬  
彬別來念爾不少置夢中見爾宛若真我  
思骨肉本同氣視爾猶乎情意均見爾操  
履謹以循我心慰悅逾歡忻東平河間古  
所稱期爾舉躋相等倫非徒我心忻以悅  
亦足上慰

皇祖在天之聖神錫以福永無極子子孫孫保

邦國河山帶礪作維城益勵精志懋修德  
龜蒙鳬嶧高崔嵬翠屏千仞凌雲開善聲  
揚著永不泐屹立宇宙同悠哉

英宗與

襄憲王書

侄皇帝御名奉書

叔父襄王殿下

承諭具悉

尊意所以惡景諱之僭分而喜侄之復位  
及曩嘗有陳言慰安二章初未曾達

皇太后所蓋爲景諱之所蔽匿也今已於景諱  
宮中檢而得之侄親覽之再三深見

叔父忠愛之誠發於讜論抑邪扶正防微杜  
漸無非爲

宗廟

社稷計推

叔父之心卽周公之心而此二章亦卽金縢  
之書之比也

皇太后聞之感嘆不已承昇祥雲捧日玉帶謹



已領訖

叔父云欲親行朝覲本不敢煩遠來第  
先帝同氣至親惟

叔父而宗室至賢亦惟

叔父於情於誼不可不重欲得一見以篤親  
親今遣太監夏時齎捧勅符及書迎請卽  
時氣候清和

叔父宜從容就道宮眷世子郡王宜留藩邸  
其合從行之人亦隨

尊意帶竚俟其至惟

叔父亮之

皇帝書致

叔父襄王 朕念

叔父爲國家至親雅有賢譽宜享優游之樂  
每歲秋冬之間若府中從容閒暇可出城  
遊賞三五次或世子郡王出遊亦可玩覽  
山水獵取禽獸予以舒暢襟懷怡悅情性  
庶表朕篤於親親之意專書以達惟

叔父亮之

璽書賜

潘王者

夥矣此

二札爲

峴山賦

予

叔父分王于襄襄多名山大川而峴山爲最  
峴山去城十里其名稱蓋以晉羊祜而著

夫

叔父之德不減羊祜羊祜之位不及

叔父是山也將因

叔父而愈著矣因爲之作峴山賦其辭曰繁

昔闢混沌開鴻濛塊然於下者爲后土穹  
然於上者爲太空而其渣滓融結或汙或  
隆有盤礴而培塿有蔓衍而從龍斯其名  
山大川所以遍吾九有叢吾八荒也乃若  
方城之陽漢水之將有峴山兮屹立亘數  
里兮蒼蒼其嵯峨嶽嶽雖不足壓乎天下  
而規模形勝寔有以冠乎湖襄何以見其  
然也彼崢然於東狀如蛟螭之劬繆者非  
百丈乎岼然於西狀如虎豹之躩踞者非

萬山乎前峙白馬其騰驤起伏儼乎振鬣  
而矜鞍也左屹鳳嶺其翩翻軒翥儼乎錦  
翮而雲翰也是數山也森羅其左右拱揖  
其前後莫不澌澌乎爭奇矗矗乎獻秀斯  
寔漢沔之紀綱群山之領袖也觀夫神龍  
變化飛騰九重山出雲兮獵獵紛到處兮  
相從于焉雨下土清悒悒其所以五穀勃  
兮懔懔衆卉鬱兮茸茸蓋莫非茲山之功  
若其扶輿之所毓蜿蜒之所鍾有梗楠兮

杞梓與古栢兮長松時乎明堂之建清廟  
之營于焉陸來國用以充或爲璇題兮鼉  
日或爲雲櫟兮倚空如是者豈徒形勝之  
可詫而其澤民利國亦有被於無窮予有  
感於是山矣方其洪水滔天四海茫然所  
以奠之者古神禹也及其戎夷亂華赤子  
龍蛇所以定之者予

祖宗也今其被冕而裳垂旒而王國於茲山之  
陽者予

叔父也微神禹奠於前兮夫孰能成此疆宇  
也微

祖宗定於後兮予

叔父又安得王乎斯土也於戲彼其萬鳥騰  
音千華獻嫵紅紫爛兮盈眸笙歌沸兮溢  
耳至於霜染千林雪封萬壑炫錦繡兮如  
描堆瑤瑤兮如削景物遞四時而可嘉兮  
予

叔父蓋無乎不樂嘗聞之矣享其樂者思以

保其樂食其功者思以報其功大哉神禹  
皇皇

祖宗奠茲峴山德盛功崇億千萬載奚其可忘  
惟厥德之不爽乃無忝於斯封庶同休乎  
媲美與茲山兮無窮乃歌曰於皇

祖宗混八方兮裂土而封命同姓兮維予

叔父王于襄兮襄多山川甲諸邦兮有巍者  
峴尤其望兮維彼峴山禹所荒兮垂千萬  
年歸我



祖宗兮

祖宗之德既不可以爽兮神禹之功亦奚其可

忘兮賢哉

叔父德日章兮作邦作對燁有光兮保茲河山樂無央兮子孫孫子其永無疆兮

漢水賦

考之圖書漢水出嶓冢山東流與江合詩云漢之廣矣者也予

叔父封國寔在於此蓋襄城非此江無以爲

壯觀古人所以有方城漢水之稱予  
祖宗舉以王予

叔父豈偶然哉因爲之作漢水賦其辭曰

維湖襄之爲國也西控梁蜀南包臨沮據  
吳會之上流壓平楚之千里古蓋號之爲  
金城而亦擬之以天府考形勝於四方兮  
蓋鮮同乎斯土乃若滔滔浮浮循城而下  
源晶淼其無涯派澌漫其莫禦是名之曰  
漢水兮寔有以壯湖襄於千古予嘗觀之

矣彼巍巍嶓冢屹立金天儲積潦於四時  
瀋萬斛之淵泉一旦山靈晝呵鬼斧夜劈  
摧列岫之巘岼撼半空之霹靂是非漢水  
之發源者乎若乃闐如虎哮駛若牛奔噴  
日薄月排乾拍坤由小別而大別浩渺渺  
兮無垠是非漢水之流派者乎夫其源發  
嶓冢派衍大別泓瀦渟深沖澗濊潏故其  
亘百里兮逶迤洞無底兮不竭固難航之  
以一篙兮亦不可方之以一筏也想夫是

江也當其烟開霧霽天朗氣清微風不作  
纖波不興斯時則如練斯淨如掌斯平湛  
遙空兮一色恍銅鏡兮磨青及乎長風駕  
濤陰雲四塞忽洶湧兮澎湃擁銀關兮千  
尺斯時則鼉鼉出沒蛟龍掀舞覩之者神  
驚卽之者魄悸是蓋所瀦者深所來者遠  
故其陰晴變態歛不可以測覩也粵予又  
聞其景槩矣彼其越香巴錦萬艦千艘帆  
兮騫舉櫓兮伊嘵羌醺酒兮臨風乞靈祐

兮江侯此富商巨賈北去而南遊者也若  
夫紛疑筓亂疊鼓駐畫鷁兮桅檣續焚焚  
兮上下放棹歌兮中流念王事兮靡盬此  
蒞官奉使而往來於此者也又若戴雨笠  
披風簑森萬葉之輕舟凌千頃之烟波得  
魚沽酒竝艇而歌或叫天兮嗚嗚或起舞  
兮婆婆是又吾民之業乎竿綸而樂乎時  
和者也若其士女之遊敖臨居之鱗比朝  
莫之竒觀四時之佳致欲一一以鋪張

筆言之莫旣吁嗟漢江寔南國之紀也非  
彼有德曷能王於斯土也作邦作對是宜  
在我

叔父也何以見其然也惟彼漢水有安其流  
惟予

叔父其心休休維彼漢水百折朝宗維予  
叔父其心與同維彼漢水其大有容維予  
叔父湖海溶溶維彼漢水莫此南邦維予  
叔父休有烈光大哉漢水賢哉

叔父願萬壽兮無期永莫安乎斯所因泚筆  
而成章用寫予之衷素乃歌曰漢江滔滔  
出嶠冢兮偉茲巨浸壯南邦兮萬有千里  
流無窮兮逶逶迤迤志必東兮於戲漢水  
殆與天地同始終兮

襄陽四景歌

春景歌

襄陽見說佳山水形勝由來擅奇美漢水  
迢遙天際來峴山突兀雲中起天然景致

生光輝况逢四海承平時一旦陽和回宇  
宙無端淑氣藹郊圻江山富貴春光好景  
物熙熙民皞皞氣通泉脉潤菑田暖入燒  
痕生綠草三陽交泰際芳辰天時物候俱  
可人習家池水凍已解鹿門烟樹色皆新  
倏然又屆中和節桃李花開梅正結大隄  
隄上風日妍陣陣香風泛香雪清明上巳  
景更濃鶯啼燕語韶華中漢濱士女競游  
衍應知被化同周風此時此景兩臻極天



下名邦皆莫及分茅胙土豈尋常爲翰爲  
蕃賴宗室顧惟

叔父宗之英卓爾不群和且平對時撫景爲  
育物仁心兩地同流行幾回南顧重翹首  
料得高懷望北斗適情細繪槎頭鱖洽歡  
滿泛宜城酒山川信美人更賢賢者樂此  
誠宜然千乘封疆佳麗地况當紅紫艷陽  
天河間禮樂東平善高誼清風今再見方  
寸恒教生意存等閑識得東風面特作長

詞寫所懷因風寄遠興悠哉眷言藩府臻  
多慶永鎮坤維壽域開

### 夏景歌

顯穹宰物敷元化四運居然成代謝韶華  
結局斗旋杓轉眄流光涉長夏夏日舒長  
未易過魯陽何用頻揮戈縱知化國民多  
逸群生長養須南訛江漢古來稱重鎮藩  
封况復當名郡山川映帶摠瓌奇草木沾  
濡盡芳潤無窮風景峴山亭亭前數點峯

巒青新葉滿林驚綠暗驕陽入戶延朱明  
鶯老枝頭慵不語紫陌將雛燕初乳浩蕩  
時來舶趕風廉纖已結梅肥雨麥浪低翻  
荷蓋舒秧針遍插盈新畝白水分流經大  
漢青松駕壑臨長渠祝融鞭笞火龍吼焰  
焰晴空疑炙手解慍何當理舜絃蔭暘還  
思道傍柳柳陰高處鳴玄蟬葵榴向日花  
欲然北窻一枕羲皇上金猊火冷銷殘烟  
賢王此日多清賞臺榭虛明隔塵鞅瑤階瑩

澈水晶簾永簾淨涵雲母帳逍遙轉覺心  
神怡高閣沉沉晝漏遲蒲貯寒瓜薦蒼玉  
細分雪藕飛銀絲有時宴處思端默一念  
憂民更憂國坐移槐影過空庭日斜猶未  
離重席天南天北遙相望驂龍恨不隨騰  
驤願祈遐壽等嵩嶽千年海宇同無疆

秋景歌

化機默運摧寒燠急景相仍如轉轂乍見  
昏中大火流羲輪忽已馳西陸清商應律

金尚柔白帝司衡連薜收朝來一雨洗殘  
暑碧天淡淡雲悠悠漢南此日風光好井  
梧葉落驚秋早地臨赤社更增崇峴首峨  
峨接晴昊灝氣浮空漸次寥青蘋渡口起  
鮮飈閱歲松杉猶蓊鬱望秋蒲柳先蕭條  
飛螢草際流疎影華月騰輝星耿耿廣庭  
清露滴高槐越亭生涼湘簟冷渚蓮紅褪  
啼殘粧巖頭桂子飄天香九日菊繁微月  
雨一林楓老暗經霜多情最是梁園客

別空巢更留戀萬山深處列層巒一水淨  
來拖匹練放船釣取槎頭鱖剩沽白酒寧  
論錢父老相從謾傾倒酒酣擊壤歌豐年  
年豐萬頃登禾黍夜靜千家響砧杵川原  
縈繞驕驕橋屢屋帡幪冠蓋里懷哉

叔父天一方感時無柰憐秋光紫宸朝下獨  
凝竚聯翩鴈陣時南翔欲寄新吟憑鴈足  
風緊雲橫還斷續便應遣使報平安四壯  
駉駉去何速驅馳孔道當回旋遙想心居

魏闕邊永保皇圖垂鞏固本支百世常綿延

冬景歌

江空木落天氣凝四時迭運功已成深宮  
燕息懷遠道忽念南土襄陽城襄陽四序  
景皆美每到冬來益奇偉碧玉堆成峴首  
山清泉注作檀溪水水落寒潭露淺沙千  
林葉落骨槎牙茫茫遠漢飛寒鴈渺渺平  
田噪晚鴉去藏屈候純陰月橘綠橙黃好

時節城市千家愛日暄樓臺萬瓦新霜結  
一陽生處葭飛灰雪花散亂梅花開鹿門  
山下行吟客冒冷尋香日幾迴歲律崢嶸  
忽云暮土牛不出寒不去漢水東流風北  
吹神女弄珠波上渡月窮于紀星回天不  
周風動物蠢然已迎猫虎勞農事還調鷹  
犬獵平原平原廣澤幾千里車馬無聲羽  
旄美邦君遙望舉欣欣與民同樂非爲已  
賢王此際豫且康心與萬物同歛藏靜觀物



理體玄牝掩身齋戒安天常喜此時平歲  
多獲容貌津津似丹渥寸心不逐時序遷  
萬事無如爲善樂爲善之樂樂無倫天宇  
泰定光日新嘉祥止止虛室白一腔生意  
先回春予每因時景賢範况復年華又將  
晏願言珍重勉加食永與國家爲屏翰

臣勤美曰

高皇帝肇造區夏規模弘遠賢賢親親每並重  
焉故封建

諸王首製

祖訓及昭鑒等錄頒示

藩邸不啻日星

列聖相承燕貽汗渙所稱聖謨洋洋嘉言孔彰  
孰踰是者書又有之今民將在祗適乃文  
考紹聞衣德言非嗣世維藩者所宜廩廩  
者乎故取

聖訓冠之篇首而

累朝御製昭龍王國情靡闕也因附其後

玉牒

附宗人府職掌

國初置大宗正院秩正一品洪武二十二年  
改爲宗人府設宗人令左右宗正左右宗  
人掌

皇九族之屬籍以時修其

玉牒書宗室子女嫡庶名封生卒婚嫁謚葬  
之事

凡

宗室有所陳請卽爲

上聞聽

天子命初以

親王領之後但以勲戚大臣攝府事不備官  
凡

親王位下各擬名二十字日後生子及孫卽  
以

上聞付宗人府所立雙名每一世取一字以爲  
上字其下一字臨時隨意選擇編入

玉牒至二十世後照例續添永爲定式下字

俱用五行偏傍以火土金水木爲序惟

靖江王府不拘

秦王位下

尚志公誠秉

惟懷敬誼存

輔嗣資廉直

匡時永信惇

晉王位下

濟美鍾奇表

知新慎敏求

審心咸景慕

述學繼前修

燕王位下

今爲

帝系

高瞻祁見祐

厚載翊常由

慈和怡伯仲

簡靖廸先猷

周王位下

有子同安睦

勤朝在肅恭

紹倫敷惠潤

昭恪廣登庸

楚王位下

孟季均榮顯

英華蘊盛容

宏才升博衍

茂士立全功

齊王位下

賢能長可慶

睿智實堪宗

養性期淵雅

寅思復會通

魯王位下

肇泰陽當健

觀頤壽以弘

振舉希兼達

康莊遇本寧

蜀王位下

悅友申賓讓

承宣奉至平

懋進深滋益

端居務穆清

湘王位下

久鎮開方岳

揚威謹禮儀

剛毅循超卓

權衡素自持

代王位下

遜仕成聰俊

充廷鴈鼎彝

傳貽連秀郁

炳耀壯洪基

肅王位下

瞻祿貢真弼

縉紳識烈忠

職躋躋富運

凱諫處恒隆



遼王位下

貴豪恩寵致

憲術儼尊儒

雲仍祺保合

操翰麗龍輿

慶王位下

秩遂寘台萬

倪伸師倬奇

适完因巨衍

騰眷發需毘

寧王位下

磐莫覲宸拱

多謀統議中

總添支庶闢

作哲向親衷

岷王位下

徽音膺彥譽

定幹企禋雍

崇理原謔訪

寬容喜貴從

谷王位下

賦質億雄敞

叢興闡福昌

篤諧恂懌豫

擴霽昱禎祥

韓王位下

冲範徵偕旭

融謨朗璟達

亶韶愉顥造

令緒价蕃維

潘王位下

佶幼詮勛胤

恬理效迴璚

湜源諲暫睇

圭璧澈澄昂

安王位下

今絕

斐序斌延賞

凝覃濬祉襄

恢嚴顓輯矩

縝密廓程綱

唐王位下

瓊芝彌宇宙

碩器聿琳琚

啟齡蒙頌體

嘉曆協銘圖

郢王位下

今絕

備聞參望奭

箴誨洎臯夔

麒麟餘積兆

奎穎曄璿璣

伊王位下

顓勉謚訐典

褒珂采鳳琛

應疇頒胃選

昆玉冠泉金

絳初斯建節

勗好必貞銓

執準符鈞正

詢收汝勵虔

薦諍演還暢

先施遂省稽

諏懽爰造就

適藝冀墳簞

慧堅忻愿確

鑒潔綽仇攷

習獻增盈謚

臨饒軼績撫

以上六十字原無國號

靖江王位下

贊佐相規約

經邦任履亨

若依純一行

遠得襲芳名

以上祖訓

舊有

潭王位下福昌忻保定嘉應必興隆啟處詢  
從式尊聞汝貴中二十字以國除

祖訓不載

凡

王府每歲將宗支奏報于朝仍令長史司呈  
報宗人府奏聞賜名編入玉牒凡有婚姻  
將所定之家與其爲親亦令長史司開報

宗人府庶別親疎其婚喪之事俱報宗人

府知會

郡王有封土者同無封土者親王府代報

一宗人府專掌宗支王牒及勸善懲惡宗室

所爲善惡其實上聞仍錄事蹟以備修史

其犯惡逆者除其名別籍凡諸行移之事

皆從本府轉達

此條今不行  
皇明典禮

嘉靖二十四年題

增

王牒總圖倣古史世表之法以橫格分代數

列書其名氏而各派所出之子孫則遞書於各派之下仍餘下方以俟續書其圖以帝系爲統雖係長出而在藩封及

國初追封爲王者俱不以加於

宗之前有長出而殤追授封號者惟冊內載之不以列於圖

一各

王府

玉牒冊每年八月以裏遵照冊式攢造一樣



二本冊尾明註監造某官對同某官書寫  
某役差人齎送禮部一轉送

宗人府一收貯本部除過期不到者聽

宗人府查叅外其造到文冊但有開載不明  
或嫡庶混淆或名位舛錯或那移封期或  
增減年歲等項情弊者本部卽將經管員  
役指名叅究原冊駁回另造其本年内殤  
卒位數照依宗支歲報冊一體造冊開報  
以備查考

玉牒冊式

某王某子幾位女幾位

第一子某某年月日母妃某氏嫡生收生  
婦某氏某年月日奏報某年月日具奏

賜名某年月日

冊封爲世子某年月日具奏選婚某年月日奉  
禮部某字幾號勘合選到某府州縣某籍  
某人第幾女某氏某年月日

冊封爲世子妃某年月日入府成婚某年月日

襲封爲某王妃某氏同日進封爲某王妃  
王某年月日薨妃某年月日薨如係次嫡  
庶子已封郡王改封世子并從親進封者  
俱要明白開註

第二子某某年月日母妃內助幾妾某氏  
嫡庶生收生婦某氏某年月日奏報某年  
月日具奏

賜名某年月日

冊封爲某郡王某年月日具奏選婚某年月日

奉禮部某字幾號勘合選到某府州縣某  
籍某人第幾女某年月日

冊封爲某郡王妃某年月日入府成婚王某年  
月日薨妃某年月日薨

餘倣此

第一女某年月日母妃內助幾妾某氏嫡  
庶生收生婦某氏某年月日奏報某年月  
日具奏

請封某年月日奉禮部某字幾號勘合封爲某  
郡主選配儀賓某人某年月日冠帶成婚

郡王某年月日卒儀賓某年月日卒

餘儀此

某郡王某生子幾位女幾位

第一子某某年月日母妃某氏嫡生收生

婦某氏某年月日奏報某年月日具奏

賜名某年月日授封爲長子某年月日具奏選

婚某年月日奉禮部某字幾號勘合選到

某府州縣某籍某人第幾女某氏某年月

日封爲長子夫人某年月日奉某字幾號

勘合入府成婚某年月日

冊封爲某王夫人某氏同日進封爲妃王某年  
月日薨妃某年月日薨如係次嫡庶子已  
封將軍改封長子者俱要明白開註

第二子某某年月日母妃內助幾妾某氏  
嫡庶生收生婦某氏某年月日奏報某年  
月日具奏

賜名某年月日授封爲鎮國將軍某年月日奉  
禮部某字幾號勘合選到某府州縣某籍  
某人第幾女某氏某年月日封爲鎮國將

軍夫人某年月日奉某字幾號勘合入府  
成婚將軍某年月日卒夫人某年月日卒

餘做

此

第一女某年月日母妃內助幾妾某氏嫡  
庶生收生婦某氏某年月日奏報某年月  
日具奏

請封某年月日奉禮部某字幾號勘合封爲某  
縣主選配儀賓某人某年月日冠帶成婚  
縣主某年月日卒儀賓某年月日卒

餘做此

鎮國將軍某生子幾位女幾位

第一子某

第一女

輔國將軍某生子幾位女幾位

第一子某

第一女

奉國將軍某生子幾位女幾位

第一子某

第一女



要紙張堅白筆畫端楷字如指頂大冊尾  
照依要例內開監造某官對同某官書寫  
某役如該府宗室衆多不妨分作幾本編  
成號數共爲一套以便檢閱

凡纂修

至牒十年一次

凡各

王府有新生子女具生年月日并分嫡庶及  
生母姓氏奏報本府抄出附注宗支簿籍

遇該禮部行查仍驗各府造報

玉牒文冊相同回報施行

凡各

王府親王郡王將軍中尉請名請封襲封及  
出閣新封郡主縣主郡君縣君鄉君并薨  
故等項奏報本府抄出亦各附注宗支簿  
籍

萬曆十八年六月內題

准以後各處

王府查有無名無祿庶宗及花生傳生子孫  
聽從父兄家長取便起名報知長史教授  
及所在有司衙門各依世次畧爲序記一  
冊但不許僭用王牒字面以混宗支

宗人府職掌

凡

親王未之國除授長史等官吏部行本府轉  
行各府長史司取具到任日期及啟

王知會

凡各

王府奏請祿米戶部行本府查勘相同回報

施行

凡

親王出府兵部奏撥儀衛司群牧所等衙門  
官軍旗校人等隨侍行本府轉送各長史

司啟

王知會在外無行

凡各

王府有

郡王將軍中尉及郡主縣主郡君縣君鄉君  
出閣起造房屋奏行工部轉行本府查勘  
相同回報施行

俱會典

勤美曰語云敬祖莫若合宗故馬班二史  
于同姓諸侯王各有世表今

諸藩瓜瓞綿綿同于不億固

高皇帝屬毛離裏之裔也其已登屬籍者各依  
系照字名之固無紊亂而于庶宗則畧項

部省建議諸無名無爵之宗從父兄自命  
一名另編私冊掌之長史但不得依五行  
消玉牒而未見舉行終歸散逸異世曷從  
稽考哉故爲譜牒計不可不周也

講讀

天順二年定

初入書堂其日早

王至

右順門之北書堂面東中坐提督講讀并講  
讀官行四拜禮畢內官捧書展於案上就  
案左立講讀官進立於案右伴讀十遍叩  
頭退

一每日講讀清晨

王至書堂講讀官行叩頭禮伴讀十遍出飯  
後復詣書堂伴看寫字畢講書直說大意  
畢仍叩頭退內侍以所寫字送

內閣點看

萬曆六年詳定

一是日

王出閣先期一日內侍官設座於書堂內坐  
西面東設書案於座之左側置書於案設  
寫字案於座之右側置筆硯倣紙於案是



日早輔臣率領講讀侍書官於書堂門外  
稍南面北拱立伺候

王入書堂內坐定

令旨說先生每來輔臣率各官進入行四拜  
禮分班侍立內侍官舉書案就案左立講  
讀官以次進立於案前授書各十遍訖

令旨說先生每喫酒飯內侍官答應各官出  
王暫入書堂南間少憩輔臣再率各官入侍  
王寫字講書候

王出坐定

令旨說先生每來輔臣同各官入照前分班  
侍立內侍官舉寫字案於座前侍書官進  
至案前看寫字寫畢內侍官徹寫字案舉  
講書案於座前講讀官以次進講畢各官  
行一拜禮出仍於書堂外向北立

王進內各退輔臣看所寫字圈註於旁以備  
勸益

一次日以後每日早

王出書堂各官進見行一拜禮其授書講書  
看字並如前儀輔臣止侍看三日三日後  
講讀侍書官徑自如儀授書講書看寫字  
輔臣不預至寫字畢每日輪一內侍官捧  
倣紙送

內閣圈註

一

王每日所講書大學一本書經一本授書務  
要字樣真正講書直說大意務要通曉先

一日進講章三日一溫書就溫講仍進講  
章寫字先用影本以後寫熟對帖自寫  
一各官酒飯止是初入書堂時

令旨說一次以後不必再說只於講書罷

令旨與先生每茶喫內侍官答應歲率爲常

一每年假日

聖節前後通九日

千秋節九日正旦初一日至二十日花朝一

日清明一日端午前後通三日七夕一日

中秋一日重陽前後通三日冬至前後通五日臘八一日除夕前五日每月朔望各一日遇大風雨暫免遇大寒大暑該住歇時請

旨定奪

一講讀侍書官俱於

歸極門南廊給與酒飯 一先期一日各該

內外執事官俱赴書堂演禮 又令春講

定以二月初旬起至五月初旬暫止秋講

定以八月初旬起至十月中暫止 又題  
准輟講之後內侍書官照常啟請尋溫舊書及  
日寫字送

閣圈註講讀等官遵照先年事例半月恭詣  
書堂啟請誦書習講或別授新書等項以

效忠益

會典

勤美曰此

親王在京初出閣講書儀注也今

諸藩典學不必盡同亦當遵其大綱無以濶

畧資戲豫焉至講讀四書書經外宜益以  
史鑑性理及

歷朝聖政典制諸書使知今古興亡治亂之迹  
而且朝夕儒臣以資啟沃無論聲色跡而  
壬俊亦自此遠矣卽東平樂善河間好禮  
陳思能文何足齒哉

冠禮

洪武二十六年定

前期三日各執事官於禮部習儀至日傳制遣官持節行禮前期儀衛司先設

王邸在東序張帷幄設褥褥於序中又張帷於序外儀禮司設掌贊官

勅戒等官序立於

王邸東稍西向具九旒冕翼善冠絳紗袍等服并網巾金簪二物各以箱盛候持節者



至禮部儀禮司等官啟

王出迎門外贊禮導

王行節入

王邸置中庭樂作贊

王詣香案前四拜畢禮部等官啟就冠席西  
南向內侍二人夾侍樂止引禮引賓贊以  
次詣盥洗樂作搢笏盟手樂止通贊典儀  
二人露臺東西向冠席在東序南西向醴  
席在西南向行禮之時諸執事官陞自東

階稍西向掌冠者執綱巾陞賓降一等受之進

王席前稍北面立祝曰惟茲吉日冠以成人克敦孝友福祿來臻畢供奉官束髮掌冠跪進綱巾樂作贊冠者跪進之興立掌冠後內侍跪進服訖樂止掌冠啟

王復坐執翼善冠陞賓降二等受之右手執冠後左手執冠前進如前儀祝曰冠禮斯舉寔由成德敬慎威儀惟民之則畢跪進

冠興樂作掌冠啟復坐贊冠進跪脫翼善  
冠興內使跪脫袍服執袞冕者陞賓降三  
等受之進如前儀祝曰冠至三加命服用  
章敬神事上永固藩邦跪進服興樂作贊  
冠跪簪結紘興立冠後

王興內侍跪進袞服訖樂止禮部官引

王降自東階樂作由西階陞醴席南向坐樂  
止引禮引掌冠詣壘洗樂作搢笏盥手訖  
陞西階樂止贊冠者取爵詣司尊所酌醴

授賓賓跪進席前北面祝曰旨酒嘉薦載  
芬載芳受茲景福百世其昌畢

王摺圭受爵樂奏喜千春之曲飲訖莫爵進  
饌饌訖出圭樂止引禮啟

王降自西階詣東序易服訖請

王詣拜位樂作引禮引宣

勅戒官至中庭西向立稱有

制

王跪樂止宣

勅戒曰孝於君親友於兄弟親賢愛民率由禮  
義毋溢毋驕永保富貴樂作俯伏興四拜  
興樂止禮部官啟禮畢樂作引

王還樂止掌冠等官復

命王是日謁

廟畢就詣

父皇及

東宮前次日百官稱賀畢詣

王府行叩頭禮

成化二十三年更定

前期各執事官於

奉天門東廡習儀三日鴻臚寺設

王冠所於

奉天門前東廡左順門之北設節案香案各  
一於廡內之北正中設冠席於東階之上  
西向設醴席於西階之上東向光祿寺設  
司尊所一於東階之下稍南設盥洗所一  
於司尊所之南內侍設帷幄於香案之東

冠席之後稍北俱西向帷中設坐椅几案  
各一別設案於東階之南司尊所之北具  
翼善冠皮弁九旒冕皆以盤盛紅袂覆之  
置於案具袍服皮弁服衮服圭帶舄等物  
皆以箱盛置於幄中案上教坊司設樂於  
南是日早

## 皇上預告

奉天殿畢具皮弁服

御華蓋殿鴻臚寺奉請陞殿傳

制遣官持節行禮文武百官各具朝服待班如  
常儀至期內侍導

王先於帷幄中坐候持節將至禮部官啟  
王迎節樂作禮部官同鴻臚寺卿導

王出階下節至持節官捧節入置於北正中  
案上樂止

王隨節入持節官立於節案之東賓及宣  
勅戒宣祝等官序立於東南盥洗所之次禮部  
官鴻臚寺卿導



王詣香案前立樂作行四拜禮畢樂止禮部  
官啟

王就冠席樂作禮部官同鴻臚寺卿導

王詣冠席坐樂止內侍二人侍立於

王左右鴻臚寺鳴贊贊行初加冠禮樂作引

禮序班引賓詣盥洗所搢笏盥手訖樂止

鳴贊二員稍南北向立賓陞自入階稍西

向樂作內侍揭蓋袱以盤捧翼善冠陞賓

降一等受之樂止賓右手執冠後左手執

冠前詣

王席前稍東面立贊宣祝宣祝官祝曰

祝詞與

洪武年同祝訖樂作賓跪進冠訖興行樂止

禮部官啟易服

王入帷幄易新袍服出禮部官啟復坐鳴贊

贊行再加冠禮樂作內侍揭蓋袱以盤捧

皮弁陞賓降二等受之樂止賓以右手執

弁後左手執弁前如前儀贊宣祝宣祝官

祝曰

詞與前同

祝訖樂作內侍釋翼善冠賓跪

王國典禮 卷之一  
進皮弁訖與復位樂止禮部官啟易服

王入帷幄易皮弁服烏出禮部官啟復坐鳴

贊贊行三加冠禮樂作內侍揭蓋袂以盤

捧冕旒陞賓降三等受之樂止進如前儀

贊宣祝宣祝官祝曰詞與前同祝訖樂作內侍

釋皮弁賓跪進冕旒訖興復位樂止禮部

官啟易服

王入帷幄易袞服出禮部官啟復坐鳴贊贊

行醺禮禮部官啟

王詣醴席樂作禮部官同鴻臚寺卿引

王降自東階由西階陞醴席東向坐樂止光

祿寺官舉醴卓置於前樂作司馬班引

賓詣盥洗所搢笏盥手訖取爵詣司尊所

酌醴由西階陞詣席前立樂止贊宣祝宣

祝官祝曰詞與前同祝訖賓跪進爵鳴贊贊

王搢圭受爵置於案教坊司啟樂奏喜千春

之曲次啟進酒

王舉爵飲訖奠爵於案賓興樂止光祿寺官

進饌大樂作饌至案樂止饌訖贊出主徹  
卓賓復位鳴贊贊受

勅戒禮部官啟

王詣受

勅戒位禮部官鴻臚寺卿引

王降自西階由東階詣拜位立樂作引禮序

班引宣

勅戒官至庭中西向立樂止稱有

制鳴贊贊

王跪宣

勅戒

詞與樂作前同

王俯伏興四拜興樂止鳴鑪畢持

節官捧節出

王送出門外節行至階下內侍引

王還帷中釋袞冕具翼善冠服回宮持節及

賓贊宣

勅戒等官復

命是日

王具冕服謁祭

奉先殿用樂行禮如常儀仍具冕服謁見

皇太后畢謁見

皇上

皇后俱行五拜三叩頭禮次謁

皇妃

東宮及妃各行四拜禮

皇上常服陞金臺百官常服稱賀致詞云

皇子某王冠禮已成禮當稱賀行五拜三叩

頭禮畢是日朝罷司禮監請

王具常服詣

奉天門前東廡坐百官常服

永樂十三年

祥符王有 新安王有喜永寧王有光汝陽

王有燭及鎮平王有 宜陽王有煇漢王

子瞻坦瞻空瞻域行冠禮于京師

實錄

勤美曰禮謹元服在大夫士庶莫之渝也

况國君之冠以裸享之禮行之金石之樂



節之先君之祧處之可弗重乎今會典開載始封

親王冠禮卽時地兩異藩國無能一一率由而三加祝辭達于上下是不當倣而行之以表成人而重維翰哉